

# Dr Hari dinobatkan Tokoh Industri 2018

Sinar Harian (Sentral) 28 Mac 2018 (Rabu) M/S: 19

PEKAN - Profesor Adjung Fakulti Kejuruteraan Elektrik dan Elektronik **Universiti Malaysia Pahang (UMP)**, Dr. Hari Narayanan dinobatkan penerima Anugerah Tokoh Industri 2018 oleh universiti itu sempena program CEO@Faculty di sini, kelmarin.

Anugerah tersebut sebagai pengiktirafan terhadap sumbangan dan komitmen berterusan beliau terhadap universiti terutama dalam menayakan program CEO@Faculty.

Anugerah disampaikan Naib Canselor UMP, Profesor Datuk Seri ts Dr. Daing Nasir Ibrahim.

Dr Hari yang juga ahli Lembaga Pengajian Fakulti Pengurusan Industri sejak tahun 2017 merupakan Pengarah Urusan Motorola Solutions Malaysia Sdn Bhd.

Dr Daing Nasir berkata, dengan 200 jam pengajaran termasuk program syarahan



**Dr. Hari bersama Dr. Daing Nasir dan Penolong Naib Canselor (Jaringan Industri dan Masyarakat), Prof Dr. Jamil Ismail di UMP.**

umum, pengurusan projek dan sesi penasihat projek membuatkan Dr. Hari sinonim di hati warga UMP.

Menurutnya, Dr hari juga terlibat dalam pelaksanaan Six Sigma Quality, Imaging Technologies dan Acoustic Engineering membabitkan lebih 4,000 penyertaan.

"Program CEO@Faculty memberi peluang kepada pemimpin industri berkongsi

pengalaman dengan mahasiswa dalam universiti sebagai pensyarah tamu ataupun mengadakan pertemuan dan perbincangan berkaitan pembangunan projek.

"Pendekatan dalam pengajaran ini akan meningkatkan pengetahuan dan pengumpulan maklumat melalui interaksi dengan tokoh utama dalam industri," katanya.